

欽定平定教匪紀略

欽定平定教匪紀畧卷三十九

閏二月二十五日亥方受疇奏言竊照滑縣地

方於軍務竣後經那彥成酌留河北鎮總兵閻

俊烈帶領本標官兵一千一百名駐彼彈壓密

查餘匪數月以來將善後撫卹事宜次第舉行

從前避難外出民人陸續回籍均已各安生業

其餘直隸山東交界之處間有土蕩搶竊經

臣

飭屬拏獲數起從嚴究辦地方日就寧謐毋需
多兵駐守現於閆俊烈所帶留防兵內先行撤
回五百名歸伍其餘六百名仍令該鎮帶領駐
紮滑縣俟三四月間再行全數撤回仍於該縣
境內酌量移駐營員添撥官兵防守奏入報

聞

同日高杞奏言查前獲匪僧吉仰花據供得受

僞號天平大王木職並受僞封護步大禪師勾
結謀逆實屬罪大惡極茲據報該犯在監患病
甚重臣飭驗屬實未便稍稍顯戮隨將該犯綁
赴市曹凌遲處死並梟首傳示隴西一帶以儆
兇邪其供出劉天貴等犯仍咨會長齡朱勲上
緊嚴拏務獲奏入報

聞

閏二月二十七日臣朱勲奏言查南山地方多
係川楚民人隻身前來傭工度日游棍匪徒亦
卽混跡其中此次軍興其持械抗拒官兵者率
係川楚匪徒臨敵殲除實已淨盡其訊係被裹
者卽給予盤費隨時釋放南山肅清之後臣與
督臣會商一面派兵搜捕一面示諭各木廂紙
廠照常開工俾貧民得資餬口仍飭將工人造

冊呈送並派員分投查造烟戶冊籍以靖地方
臣現與督臣分路入山稽查撫卹察看山內情
形甚爲寧謐有田無力之戶除給予賑卹外仍
出借糧種以資耕作本月初間陸續得有雨澤
已可播種雜糧隻身傭工者均已各就生業其
無業主收留者均陸續帶領出山給予賑卹隨
後資送回籍至興安糧價較南山更貴臣已於

漢中南鄭西鄉撥倉米五千石運往平糶以平
市價其平原州縣歉收處所收令紳士等捐貲
賑濟或設粥廠或散錢米俱已陸續舉行小民
口食有資斷不致流離失所奏入報

聞

閏二月二十九日

辛卯

衡齡奏言竊照都司夏瑚

前於柳樹口防卡盤獲彭好蓮一犯

臣

當卽提

省研鞫緣彭好蓮籍隸陝西澄城縣嘉慶十八年十月間赴西安省城覓工途遇同縣石強與蒲城孫前兒一同僱給官兵拉馬至豫商往軍營生理走至清化鎮地方彭好蓮因盤費用盡探知軍營食物昂貴買賣難做聲言不如投入賊營隨同搶掠可圖吃用孫前兒等以破案後性命難保不允彭好蓮亦畏罪未敢前往卽與

孫前兒等仍回陝西至柳樹口被官兵盤獲委
員訊據孫前兒等供出彭好蓮邀入賊營之語
向其追究彭好蓮畏刑混供鄜州王家角地方
王風聚集二百多人給伊盤纏送信至滑縣與
牛亮臣糾約造反等語臣飛卽咨查陝西准撫
臣朱勲覆稱王家角並無王風其人該處亦無
聚衆滋事風聲復提該犯詰訊始將畏刑妄供

緣由據實供明請將彭好蓮一犯問擬杖流孫
前兒石強俱行省釋奏入得

旨刑部議奏旋經刑部議覆將彭好蓮改發新疆給
官兵爲奴餘照該撫所奏完結

上從之

三月初一日壬辰同興奏言竊查汶上縣人劉大

秋在順天府面稟有曹州剿散餘匪趙東禮孟

洋約期滋事一案奉

旨交

臣

查辦

臣

當派運司劉清將趙東禮孟泮拏獲

查無爲匪不法情事旋准兵部將劉大秋遞解

到東

臣

提犯研鞫緣劉大秋與鄆城縣民趙東

禮孟泮均有夙嫌意圖報復洩忿遂誣捏曹州

餘匪商於本年正月初一日起事趙東禮孟泮

俱係縣內頭目赴順天府衙門喊稟

奉

諭旨飭令將趙東禮孟泮拏獲嗣趙東禮在曹州病
故卽提孟泮至省備質旋亦病斃茲據該犯劉
大秋供認前情不諱劉大秋誣告謀叛重情拖
斃二命應照例擬斬監候請

旨卽行正法以昭炯戒得

旨劉大秋著卽行正法

三月初四日弘方受疇奏言竊照滑濬二縣地
廣民稠與直隸開州東明長垣等處接壤上年
逆匪滋事甫經平定此後緝巡防甚關緊要
前那彥成籌議善後事宜案內請添設官兵駐
守經大學士等議令酌看情形如必須添駐弁
兵卽於本省營分內酌量抽撥移駐奉

旨飭遵在案臣查滑濬二縣各設專汛把總一員兵

丁三十餘人不足以資彈壓應請於滑濬二縣
添設都司一員管轄千總一員把總除舊有二
員外再增設一員共把總三員併酌添經制額
外外委各二員於舊設兵丁之外增設馬守兵
三百名以都司駐劄滑城定爲在外題補要缺
歸河北鎮總兵統轄以千總分防濬縣把總三
員一駐滑縣一駐道口一駐老安鎮外委兵丁

酌量分派協防惟河南通省僅有都司七員均
居要地不便裁改所有駐防滑縣都司一員應
請於額外添設其增添千總把總外委兵丁仍
於事務稍簡營分酌量抽撥奏入

上諭內閣曰方受疇奏滑濬二縣地方請添設都司
移撥弁兵駐守一招滑濬二縣界連直隸應添駐
營員以資綏輯著照所請准其添設都司一員駐

防滑縣毋庸於本省查缺裁移其千總把總外委兵丁各員名著卽於該省事簡營分抽撥移駐

同日富俊奏言

臣

查黑龍江凱旋官兵帶來幼

孩共四百八十八名幼女十七口男子八名

臣

傳集訊問內有田金山一名係逆匪田小七之

子賊目田米鳳親姪並稱田米鳳有二子長名

元妞兒十九歲次名拉妞兒十二歲現在不知

下落查田金山係逆犯子姪應行緣坐其田米
鳳二子飛咨松寧文孚一體查訊辦理又訊據
幼孩王玉等九名供係直隸開州等處鄉村良
民子弟因在村外行走遇官兵過境攜帶前來

自應推廣

皇仁不使失所臣卽將王玉等九名派員解送直隸
河南飭交該縣親屬認領攜帶王玉等之兵丁

按名重責示儆其餘各幼孩均無家可歸應仍
交帶來之官兵承領妥爲收養奏入

上諭內閣曰前據文孚奏吉林黑龍江凱旋官兵攜
帶幼孩出關請旨查辦當降旨交該將軍等查訊
核辦茲據富俊奏稱將各官兵攜帶幼孩提集訊
問共幼孩四百八十八名幼女十七口男子八名
內有田金山一犯係逆犯田小七之子田米鳳親

姪並據訊明田米鳳有二子長名元姪兒年十九
歲次名拉姪兒年十二歲均不知下落現將田金
山一犯照例緣坐其幼孩王玉等九名均係良民
子弟因在村外行走遇官兵過境攜回查俱有家
可歸派員解送直隸河南交該親屬認領將攜帶
王玉等之兵丁等按名重責其無家可歸者仍交
該官兵妥爲收養等語所辦實屬認真王師除暴

安良軍行首嚴紀律此次凱旋官兵黑龍江一處
私攜男女幼孩已有五百餘名之多想他處似此
者亦必不少除田金山一犯交刑部核擬餘俱照
該將軍所奏辦理外著通諭此次調派征兵各省
之將軍督撫副都統提鎮等各向凱旋官兵逐細
詳查如攜帶幼孩內訊有逆犯家屬仍照例緣坐
並將富俊訊出之逆犯田米鳳二子一併確查其

實係良民有家可歸者卽解交各原籍親屬認領
無家可歸者暫令收養如該親屬探知赴領卽行
給還倘借詞勒掇准該親屬到官呈首將該官兵
訊明治罪該將軍督撫等各於查明後先行據實
覆奏其健銳火器二營前此查訊草率著該營將
各官兵攜回幼孩再行傳齊交軍機大臣覆加訊
問此內有無逆犯田米鳳二子一併查明具奏並

著兵部將出征官兵攜帶良民子女及逆犯家屬
應如何分別治罪之處嚴定專條奏明通行頒示
永遠遵行

三月初五日

丙申

馬慧裕張映漢奏言查陝省已

將各股賊匪剿捕完竣

臣

等審度邊境情形已

無須重兵防範惟陝楚接壤一帶山徑叢雜最

易藏奸賊如

聖諭或有一二零匪假裝乞丐行旅溷入楚境冀圖

潛匿不可不慮提

臣

吉林泰現會同鎮

臣

富斌

將調派防邊兵丁撤歸原伍仍酌留將弁數員

協同各該地方文武分赴沿邊要隘暨深林密

箐之中逐細搜查如有拏獲零匪卽就近解交

陝省歸案審辦此次楚省調派防邊兵丁一千

五百名俱由鄖陽鎮標竹山協營就近抽撥上

年鄖陽一帶收成歉薄食物昂貴兵丁等裹糧
非易臣馬慧裕當經奏明暫挪藩庫銀一萬兩
解交鄖陽府搏節供支茲旣防邊裁撤統計用
銀一萬三千兩有奇爲數無多仰懇

恩准臣馬慧裕臣張映漢暨藩司巴哈布調任臬司

陳若霖分捐歸欵再陝省匪徒滋事時不但鄖
西二竹一帶需兵防堵卽施南宜昌二府屬地

方均與川陝接壤深山老林處處可通亦關緊
要_臣等疊經嚴飭該管地方文武督率兵役密
爲防堵並撥銀六千兩分解施南宜昌二府存
貯備用飭知該府等如有應需經費就近撥用
若干統歸入_臣等分捐數內歸補倘實無須用
之處再提省歸欵奏入報

聞

三月初六日酉那彥成奏言查上年滑縣逆匪滋事延及直隸邊境經章煦督率各員設立軍需總局調度一切並飭委員安設臺站派調車馬運送軍裝糧餉承辦文移稿件均能認真出力臣謹遵

旨查明擇其尤爲出力者開單保奏仰懇

皇上天恩加以鼓勵至沿途州縣馳遞軍報迅速無

金匱要略卷之三
誤容臣查明造冊另行咨部議敘再上年滑縣
逆匪滋擾之時藩司素納先因查災出省接聞
此信卽馳至大名部署防堵迨各路大兵齊集
該司駐劄大名督率委員辦理軍火糧餉均皆
妥速該司係屬大員臣未敢保奏但既有微勞
亦不敢壅於上

聞理合附奏伏候

聖裁奏入

上諭內開曰那彥成奏遵旨保奏承辦兵差出力各員一摺加恩著照所請清河道魯銓交部議敘候補知府李蕃候補同知管文愷候補縣丞包駿著儘先補用清苑縣知縣金洙著以應陞之缺儘先陞用順德府同知姚嗣懋務關同知田宏猷河工候補同知姚麟紱候補同知陳世相漕運通判沈

旺生候補通判顧汝壽河工候補通判孫寧衷候

補知縣陳華祝布政司經歷王綬布政司庫大使

方九錫候補州判楊思華吳橋縣縣丞胡奉恩候

補縣丞唐淳周維嘉余萬清任邱縣主簿竇廷柄

磁州吏目宋廣俱候補未入流殷璋杜占春沈元

文著交部從優議敘揀發知州劉用和顏樾揀發

知縣何棻趙州州判施溥長蘆候補經歷徐本厚

蠡縣縣丞張曦午東鹿縣縣丞萬文選候補縣丞
胡繁澍俞大勲候補吏目包駢鹽山縣巡檢宋邦
暹唐縣巡檢練夔候補從九品李師伊張欽祖邵
騏候補未入流黃麟書宓懷祖著交部議敘

上又諭內閣曰素納在直隸藩司任內爲日本淺失
察逆案其咎尙輕上年在大名部署防堵總辦軍
需均屬妥協著加恩交部議敘

三月初十日辛丑董誥等奏言臣等遵

旨將健銳火器二營攜帶幼孩陸續傳到查訊籍隸

滑濬二縣者僅止十八名口其餘一百三名口

多係順德廣平彰德等府所屬沿途州縣之人

據女孩劉喜兒等六名口所供其祖及父母皆

因不肯從賊致被戕害情尤可憫謹分繕供單

恭呈

御覽此內並無田元姐兒田拉姐兒二人姓名其父
母已故之七十五名口請仍發給各該官兵等
使令其有父母伯叔兄弟之四十名口並劉喜
兒等六名口應請交原籍地方官查明親屬父
爲收養奏入

上諭內閣曰國家不得已而用兵所以戡除暴亂安
定善良卽行師絕域亦止於斬馘擒渠尙當秋毫

無犯以肅軍紀至於內地亂民原係獄吏捕治之事祇緣人數衆多不能不藉兵力以速殲除所謂大刑陳於原野期以當罪而已領兵將弁皆當深知此義約束士卒俾閭閻良善同登衽席方稱朕用兵衛民之意至克捷歲功之日逆匪家屬例應查明緣坐其被難民人無依子女亦當由地方官撫卹收養若征兵凱撤之時任其紛紛攜帶在賊

匪遺孽旣因此漏網而良民子女竟至遠離鄉土
淪於婢僕此與俘獲何異甚非仰體朕惠鮮懷保
之意也此次滑城用兵朕屢經申諭領兵各大員
嚴飭該兵丁等毋許掠取財物而於攜帶子女一
節實爲意計所不及朕先引咎自責那彥成等知
愧與否清夜捫心自問可也若再不認真查辦罪
逾重矣前據文孚奏到吉林黑龍江官兵有攜帶

子女之事當經降旨查辦旋據管理火器健銳營
王大臣覆奏並未分晰辦理實屬因循草率無恥
無能昨據富俊查明黑龍江官兵攜帶子女分別
將逆犯親姪照例緣坐凡良民子女派員解交該
親屬認領其無家可歸者暫交該官兵收養所辦
甚爲認真因交軍機大臣傳齊火器健銳二營所
帶子女覆加訊問其籍隸滑濬二縣者僅十八名

其餘一百三名多係順德廣平彰德等府所屬訊
係該官兵等於凱撤時沿途攜帶領兵各員漫無
約束大屬非是本應將該官兵等治以應得之罪
惟念此次軍務告成極爲迅速其奮勇出力者吉
林黑龍江官兵爲最火器健銳營官兵次之綠營
官兵又次之俱經著有勞績而攜帶子女一節未
經誠諭於先姑著從寬一概免其治罪管理火器

健銳營王大臣先經奉旨查辦額預具奏實屬草率文字首先具奏富俊查辦認真俱著加一級現在查出各幼孩內劉喜兒等六名口伊父母均係不肯從賊致遭戕害實爲節義可憫劉喜兒等六名每名賞銀二兩著該地方官妥爲收養訪明的實親屬再爲給領其有父母兄弟伯叔之四十名口每名賞銀一兩亦著各該地方官傳到親屬令

該幼孩認明給領如所指親屬先已身故他往卽
於該處養濟院收養長大聽其謀生俱交步軍統
領衙門順天府派委文武各二員解送各本籍地
方官收領其無依幼孩七十五名口暫交該官兵
等領回收養此與分給爲奴者不同不准作踐胡
爲如子女撫養將來如有親屬來京尋認者卽報
官給領毋許勒指至此次在京各大臣侍衛官員

曾經派往軍營者如有攜帶子女及其家人攜帶者亦免其治罪俱著自行查明報出交軍機大臣訊明分別辦理如隱匿不報以違旨治罪並著吉林將軍等及此次調派征兵之各省將軍督撫副都統提鎮將該官兵攜帶子女俱詳細查明照此次章程分別辦理各自具摺覆奏如辦理草率及因循怠玩者俱以違旨治罪昨降旨令兵部定立

例條並著將攜帶良民子女及逆犯家屬如何分別治罪及領兵官如何議處一併詳議具奏頒示遵行

三月十一日 甞長齡楊遇春朱勲奏言竊

臣等

前經酌留官兵四千二百員名分駐各處稽查彈壓茲據總兵吳廷剛楊芳副將何占鰲叅將張起鰲并前委各員及地方州縣節次稟稱分

帶兵役人等在於深山密箐鄉場鎮集校織搜
查先後拏獲零匪自一二名至三四名不等現
在居民復業地方安靜臣等當將所獲各犯訊
係從賊日久曾經殺人者十九名卽行正法其
餘雖未殺人但已從賊日久者十三名未便稍
事寬縱卽遵前奉

諭旨將該犯等發遣新疆臣長齡等自漢中起程分

路查看情形極爲寧帖前請酌留官兵四千二百員名應卽量爲裁撤以節糜費臣等詳加籌酌先將營分稍遠官兵裁撤二千二百餘員名卽令原領將備帶領歸伍其餘就近營分官兵暫留二千餘員名分撥棧道東西並南山內外各峪口往來巡查統俟四月麥收後體察情形再行陸續撤回原營奏入報

聞

同日長齡楊遇春朱勲又奏言竊查南山界連
川楚豫甘四省萬山重疊林深箐密最易藏奸
滋事全在控制得宜始足以防緝奸匪茲查漢
中陝安二鎮各營原設邊防汛界本屬星羅碁
布惟就目下情形尙應畧爲變通庶巡查更爲
扼要臣等分路親歷各處有原設兵額畧少不

足以資防範者有所轄汎地稍長不足以資控
制者臣等悉心籌酌因地制宜就現在官兵量
爲改移無須額外增添謹將所議各條分列於
左一鐵爐川係黑河老林扼要之地周匝數百
餘里舊設把總一員帶兵五十名兵力較單請
將漢鳳營守備一員移駐另於甘省提鎮各營
內撥出千總外委額外外委各一員添駐並於

甘省照馬二步八裁汰兵缺二百五十分歸鐵
爐川汛招募充補合之原有兵五十名共兵三
百名駐劄以資彈壓至漢鳳營守備旣移駐鐵
爐川另請於陝省提屬撥千總一員歸漢鳳營
協防一黃牛鋪係漢鳳營所屬地方最爲緊要
該處距營縣各百餘里請將舊駐草涼驛千總
一員東河橋外委一員移駐並於陝省各營裁

汰兵缺一百名歸黃牛鋪汛招募充補至漢鳳
營舊派駐劄二里關外委一員撤歸原營協防
一盤屋營管轄秦嶺迤北各峪山深林密巡緝
難周原設守備一員把總一員外委二員額外
外委一員兵丁一百二十名不敷派遣請於西
安鎮標撥出千總把總各一員兵丁一百名移
駐一定遠所屬之觀音堂接壤四川最爲扼要

相距各營汛較遠請由定遠營撥出把總一員
兵五十名分駐一西鄉所屬之子午鎮界連數
縣原設塘兵五名遞送文報難資巡查請由西
鄉營撥出外委一員兵二十名作爲汛防以資
巡緝一漢鳳營遊擊一員守備一員舊隸固原
提督管轄相距較遠請歸漢中鎮就近管轄一
盩厔營原設守備一員駐劄縣城分駐鄠縣外

委一員藍田把總一員舊隸固原提督管轄相
距較遠請撥歸西安鎮就近專管一厚畛子汛
原有華陽營分出千總一員兵五十名駐劄查
該處距華陽營較遠請由蓋厓營撥出千總一
員兵五十名駐劄該汛卽歸西安鎮管轄撤回
厚畛子汛之華陽營千總兵丁請移駐適中之
黃柏園地方仍歸華陽營管轄以聯聲勢一七

里關營原設守備一員經制額外外委各一員
原額馬步守兵二百一十八名內分駐洵陽縣
汛把總一員兵丁二十五名又口外換防兵丁
十九名存營守備外委並兵丁一百七十四名
洵陽縣城與楚境毘連最爲緊要城內止有把
總一員不足以資彈壓請將七里關營原額馬
步守兵內酌留兵丁三十名並留外委一員改

爲七里關汛其餘守備弁兵全移洵陽城內駐
劄卽改爲洵陽營一興安城守營分駐白河縣
汛把總一員兵三十二名該處距興安稍遠應
一併改歸洵陽營管轄一孝義營分駐大山岔
汛距本營五十里又板廟子汛距本營一百八
十里請將大山岔汛千總額外公委各一員兵
一百名全數撤歸孝義本營操防將板廟子汛

外委一員兵四十九名移駐大山岔仍於板廟
子酌留塘兵五名接遞文報一磚坪紫陽二營
與川境接壤原額兵數較少請於白土營存營
兵六百六十三名內抽出兵六十三名撥歸紫
陽營又於孝義營存營兵五百名內抽出兵八
十名撥歸磚坪營以資彈壓一商州營遊擊金
鎖關營都司富平營都司舊隸潼關協該三營

距西安較近請歸西安鎮專管一金鎖關營額
兵一百六十九名分駐營汛四處路當通衢差
事煩多請於西安鎮撥換馬餉二十分步餉四
十分以均勞逸以上各條是否有當伏候

訓示奏入得

旨該部議奏旋經兵部照所擬條款議覆

上從之

同日長齡奏言竊照隨營出力將備人員遇有
缺出例得量加拔補以示鼓勵現在陝甘督標
中軍副將張大振等陞調所遺各缺查有潼關
協副將張拱辰等各員均係節次打仗奮勇可
否分別陞補出自

皇上天恩再查固原城守營遊擊王勤民西安鎮標
富平營都司金浦撫標右營守備張治得均年

力就衰未便任其戀棧致滋貽誤應請

旨勒休其所遺遊擊各缺查有涇州營都司候補遊擊胡超等堪以陞調理合附陳請

旨奏入

上諭內閣曰長齡奏請將隨營出力將備量加拔補以示鼓勵一摺加恩著照所請陝甘督標中軍副將員缺准其以張拱辰調補所遺潼關協副將員

缺以張啟鰲陞補寧陝營叅將以呂天俸陞補定
遠營遊擊以李章調補漢中鎮標左營遊擊以唐
璵陞補靜寧協中軍都司以朱效先陞補固原提
屬八營守備以周佐勝陞補金塔協副將員缺准
其以張聯魁調補所遺河州鎮屬洮岷協副將以
丁永安陞補陝西撫標中軍叅將以朱福壽陞補
鎮安營遊擊以劉夢龍陞補利橋營都司以馬明

陞補延綏鎮標中營守備以席殷魁陞補西寧鎮
標右營遊擊員缺准其以李萬年陞補所遺涼州
鎮屬岔口營都司以溫永泰陞補巴里坤城守營
都司員缺准其以錢裕調補所遺西鄉營都司以
張洪周陞補固原提標後營守備以趙世芳陞補
固原提標右營守備以周炳南陞補陝安鎮標左
營守備以段永福陞補西安鎮標中營遊擊中福

著與該鎮左營遊擊富克精阿對調西固營都司
俞振海著與洮岷協中軍都司吳亨佑對調寧陝
營守備何斌伏著與甘肅巴暖三川營守備馬天
斗對調固原提標中營守備謝希彪著與甘肅寧
夏鎮標右營守備盧亨對調

上又諭內閣曰長齡奏遊擊等官年力就衰請旨勒
休等語遊擊王勤民都司金浦守備張治得俱著

勒令休致所遺固原城守營遊擊員缺著胡超陞
補富平營都司員缺著馬國鑑補授撫標右營守
備員缺著曹天佑陞補其涇州營都司員缺著唐
倬陞補瓦石坪營守備員缺著康榮調補固原提
標左營守備員缺著王國輔陞補

三月十二日壬寅方受疇奏言查上年九月間前

署撫臣高杞剿捕賊匪安營濬縣試用從九品

徐沅帶同夫役解送兵米三百石前赴大營供
用行至濬縣小河口地方驟遇賊衆該委員徐
沅當卽被賊戕害隨行壯役趙上敏等六名奮
身抵禦亦被賊人扎死又滑縣知縣強克捷被
害時有募友李槐蔭等六名親戚強京課等三
名及募友之子二人妾一口並教諭呂秉鈞親
戚唐會一一名典史陳寶勳募友呂會亭一名

強克捷家人祁陞等十七名不知姓氏僕婦婢女四口俱同時被賊殺害應奏懇

聖恩勅部照例分別議卹以慰忠魂併開具員役人等姓名清單恭呈

御覽奏入得

旨該部議奏旋經禮部查例奏請

賜卹

上從之

上諭內閣曰從來民爲邦本人君撫有區宇以不忍
人之心行不忍人之政堯舜三代之治未有不以
仁政爲先者也朕仰承

天

考之命孜孜圖治無日不以愛民爲心胞與之懷惻
之念實由於中所不能自己惟如上年辦理逆案

其情同梟獍自外生成者恧然無可矜卹此外億
兆生民無不視同赤子誠求保久唯恐或遺昨因
凱撤官兵有沿途攜帶幼孩之事朕憫其遠離所
親淪於婢僕特降旨飭查派員資送回籍誠欲使
之骨肉完聚以稍慰如傷之念其小民有控訴冤
抑者亦必亟爲申雪以重民命朕宵衣旰食求莫
圖寧所願者四海之內無一夫不得其所而已第

九重之上安能徧及是在地方大吏仰體朕愛民
如子之心各率所屬民之所欲與聚之民之所惡
勿施之拯其流離開其迷惑危者使安枉者使直
以惻隱之心行慈惠之政庶幾閭閻幽隱咸遂其
生善氣所積於以感召

天和雨暘時若年穀順成朕與天下臣庶共樂昇平有
厚望焉

三月十三日^{甲辰}常明奏言竊查川北保寧府屬之通江南江巴州與陝西西鄉等處接界廣元一縣又與陝西寧羌州接界上年陝省饑匪滋事偷渡漢江逼近川境各該處居民修寨衛城幫同地方官防堵實屬認真出力該四州縣上年秋收本非十分豐稔冬間辦理堵禦之事民力不無拮据現屆條糧開徵之際未便令其一

律輸納仰懇

聖恩將通江南江巴州廣元四州縣本年地丁條糧
緩至秋收完畢後再行開徵奏入

上諭內閣曰常明奏請將川北沿邊州縣條糧暫緩
開徵一摺川省通江南江巴州廣元四州縣毗連
陝境居民自去冬協同地方官辦理防堵事宜甚
爲出力且上年秋收本未豐稔現屆開徵之期恐

民力不能充裕著加恩將通江南江巴州廣元本年應徵地丁條糧俱緩至秋收後再行啟徵以示體卹

同日英和等奏言本月十二日肅親王永錫傳奉

諭旨令

臣

英和將豫親王府已故四品典儀魁山之

子祝海慶等查拏訊究逆犯祝現下落

臣

等當

派番役將祝海慶同弟祝海壽祝海敏拏獲據
供祝海慶於去年九月初八日到桑堡村地方
上墳因天晚趕不進城在族叔祝現家住下次
日進城後總沒見面現在祝現下落實不知道
等語查祝海慶等係祝現之姪據供九月初八
日曾在祝現家住宿恐已知有謀逆之事訊及
祝現下落又狡展不肯吐實應請

旨將祝海慶等交刑部審明辦理奏入得

旨祝海慶等著交刑部嚴訊

三月十四日乙卯那彥成奏言竊查前奉

恩旨將大興宛平二縣十八年錢糧並長垣開州東

明三州縣十八年應完新舊錢糧並借給本折

口糧倉穀等項全行豁免係因逆匪滋擾又值

連歲歉收仰蒙

皇上特溥

恩施實與尋常豁免不同所有該州縣隨徵耗銀可

否仰懇

聖恩准照災蠲之例一併豁免奏入

上諭內閣曰那彥成奏請將豁免錢糧之大興宛平

二縣及長垣開州東明三州縣應完隨徵耗銀一

體豁免一摺大興宛平二縣前因查辦逆案恐附

近良民間致失所降旨將該二縣上年應徵錢糧
豁免其長垣開州東明三州縣士民隨同地方官
保護城垣又值連年荒歉亦將該州縣等上年應
完新舊錢糧並借給本折口糧等項概予豁免此
次蠲免錢糧原因軫念民艱特加恩資所有該五
州縣應免錢糧著加恩將隨徵耗銀一體豁免

同日那彥成又奏言查前在正定鎮總兵徐錕

金華縣志卷三
三
拏獲滑縣逆犯王進道一案奉

旨交

臣審辦當提犯到省詳加研訊緣王進道本名

王法文曾拜宋克俊爲師入九宮教嘉慶十八

年八月間宋克俊告知李文成等與林清定期

造反令王進道爲頭目領人一千先平蘭陽長

垣二縣迨李文成被滑縣拏獲監禁宋克俊等

邀同刼獄後王進道糾人搶掠八里營草坡劉

家莊柴村等四處宋克俊先後僞封王進道爲
衛輝總兵及震宮伯名號王進道旋因患病回
家至滑城破後在家潛匿經正定鎮總兵徐錕
派員訪獲訊詰習教謀逆等情已據該犯供認
屬實王進道應依律凌遲處死臣於審明後卽
恭請

王命將王進道凌遲處死仍傳首犯事地方示衆查

明家屬照例緣坐原拏王進道之把總曹成武
生李殷臣蘇冠軍王遇午武童蔡芳奎遵

旨聲明聽候

恩施奏入

上諭內閣曰前據徐錕奏拏獲滑縣逆犯王進道一
名降旨交那彥成審辦茲據該督審明王進道實
係同謀助逆要犯業經按律辦理所有督率緝拏

之徐錕著施恩賞加一級其獲犯之把總曹成著
加恩以千總卽用先換頂戴武生李殿臣蘇冠軍
王遇午均著加恩賞給武舉准其一體會試武童
蔡芳奎加恩賞給武生准其一體鄉試以示鼓勵

同日綿課英和等奏言

臣等遵

旨帶同官役限日等至豫親王裕豐家逐一詳查實
無祝現蹤跡據佐領善貴稟稱上年九月十五

日該佐領下已革八品官祝貴山護軍祝海慶
帶領桑堡村居住之祝現堂弟祝瑞在善貴處
遞呈首告祝現等謀逆當將此呈交叅領伊精
阿轉遞頭等護衛拜紉阿並本府管事人曹亮
霍爾沖額花青阿四人是日因林清匪黨業經
在城內滋事伊等並未向裕豐稟知並據祝貴
山供稱上年九月初十日伊姪海慶上墳回京

說及祝嵩山告知祝現有入教之事卽於十二
日前赴桑堡向族兄祝瑞查問祝瑞答俟打聽
明白給伊送信伊於次日回京十五日早祝瑞
同祝嵩山妻子來至伊家說已探聽屬實祝貴
山卽以祝瑞出名寫呈首報遞交佐領善貴等
收下祝瑞於二十二日回桑堡村至今未見等
語臣等查祝瑞一犯係逆犯祝現之弟一同入

教乃於逆黨業經進城滋事之事謊遞呈詞預
爲事敗後推諉地步奸譎已極該犯現已在逃
拜綢阿等接得呈詞並不稟明裕豐又不將該
犯立時拘獲任其自行逃逸難保無知情故縱
情事應請

旨將拜綢阿善貴伊精阿解任同已革八品官祝貴
山及護衛曹亮霍爾沖額花青阿等俱交刑部

嚴審奏入得

旨拜紉阿善貴伊精阿俱著解任同已革八品官祝
貴山等交軍機大臣會同刑部審訊

是日

上諭內閣曰上年九月十五日禁城滋事逆犯祝現
在逃未獲屢經降旨飭拏祝海慶等係祝現同族
之人在豫親王裕豐府內當差上年九月初旬並

曾至祝現家中裕豐早應據實奏明將祝海慶等
交出訊問或用以作線緝捕以期要犯速獲乃匿
不奏聞以致外間傳播有祝現在豫親王府內藏
匿之言前日朕派英和查拏祝海慶等三人裕豐
尙不知自請處分昨復派綿課英和同赴該王府
內查詢祝現蹤跡本日綿課等覆奏查詢情形裕
豐仍不自行奏請處分實屬糊塗不知大義裕豐

著交宗人府嚴加議處

三月十六日丁綿課等奏言查豫親王裕豐旣知祝海慶等與祝現同族早當奏明將祝海慶等送部審訊且祝海慶曾在祝現家中住宿又未能及時查出嗣於拏獲祝海慶等之時裕豐仍置若罔聞疊干咎戾昏愎錯謬之極請將豫親王裕豐革去王爵

同日董誥等奏言臣等連日會同訊問拜綏阿善貴與祝海慶等供詞互異節經奏明將拜綏阿等革職提同祝海慶等詳加研訊緣上年九月初八日豫親王府內護軍祝海慶因事至桑堡村伊族叔嵩山告以族人祝現等時與朱家莊林清往來夜聚明散欲於本月十三日進城聚齊十五日謀逆祝海慶次日進城與伊胞伯

貴山商同往見佐領善貴復同向該府管事頭
等護衛拜細阿處首告該護衛以其口說無憑
駁令找尋嵩山具結並令其傳到屯領催祝瑞
具呈首報拜細阿於初十日下午晚因回事之便
先行稟知裕豐裕豐恐事未確實令俟具結後
再行查辦十三日拜細阿又將祝海慶等尙未
具到甘結向裕豐提及裕豐仍令俟結到時再

辦十四日晚嵩山自屯到京十五日寫就呈詞
同祝海慶交給佐領善貴善貴轉呈叅領伊精
阿伊精阿囑令自稟彼時

禁城業經滋事裕豐進內守護善貴等不能進內
回稟十六日裕豐因辦散兵食米回至府門善
貴帶同祝海慶手持呈詞投遞裕豐閱後卽將
呈詞發還答以應在那裏辦卽在那裏辦之語

是日仍進

禁城內住宿十七日差跟隨護軍校馮春回至本
府將原呈取進閱畢仍發回並令馮春告知該
護衛等不可聲張等語均奏入

上諭內閣曰前因訪緝逆犯祝現查知豫親王裕豐
府內有該犯族人祝海慶等當差並伊護衛人等
有事前聞知逆謀之事當將護衛拜綏阿及祝海

慶等俱交軍機大臣會同刑部審訊茲訊明上年九月初八日祝海慶因事曾至桑堡經伊族叔嵩山告以祝現等習教謀逆等情祝海慶次日回城卽向胞伯貴山述知於初十日回明佐領善貴叅領伊精阿及護衛拜綳阿等拜綳阿等恐有不實商令傳到屯領催祝瑞令其具結再爲呈報拜綳阿先於是日面稟裕豐裕豐漠不動念答以俟查

明再辦及至十六日善貴等帶領祝瑞具呈已在十五日滋事之後裕豐接呈次日復有不必聲張之語本日令管理宗人府王公會同軍機大臣詢問裕豐裕豐亦答認前後情節屬實裕豐身爲親王聞有首告謀逆重情不速行具奏又不轉報宗人府及留京王大臣迫事後接收呈詞仍隱諱數月不奏實不知其如何居心昏憤糊塗罔知國家

大義至於此極著暫行革去王爵交宗人府軍機大臣大學士六部尙書會同議罪其拜紉阿伊精阿善貴旣經呈稟則其咎重在裕豐惟伊等彼此推諉輾轉取結遲延數日是其應得之咎拜紉阿善貴俱著開復原官伊精阿著回任俱交兵部議處嵩山於謀逆重情首先舉發祝海慶聞知卽向該管處據實首報均明於大義嵩山祝海慶俱著

加恩賞給護軍校貴山一同稟報著賞給藍翎長
伊三人俱撥在本旗大營當差

同日董誥等奏請將審明聽從助逆之劉狗兒
卽劉興立趙老卽趙進德戴五三犯依律凌遲
處死梟首示衆預知逆情之劉成功一犯擬斬
監候秋後處決又據江西巡撫將遵

旨截回之董林氏解部審訊董林氏係林清之姊備

知逆情林清被獲時該氏輒囑祝林等十餘人
追趕搶奪應照律擬斬立決又律應緣坐之李
五卽李受榮劉安民張陳氏三名口及隨同習
教之顧盡倫宋成名宋喜耿任氏宋樊氏五名
口俱分別發遣爲奴知情不首之張成幅杖一
百流三千里奏入得

旨劉狗兒卽劉興立趙老卽趙進德戴五均著卽凌

遲處死梟首示衆董林氏著卽處斬劉成功著斬
監候秋後處決餘依議

三月十八日配綿課等奏言查已革親王裕豐
於祝海慶出首祝現等謀逆重情經拜緗阿稟
明後旣不立時具奏又不轉報宗人府及留京
王大臣陳奏迨十六日逆匪滋事後接收呈詞
復隱諱數月不奏應照謀反大逆知情不首律

杖一百流三千里照例折圈二年奏入

上諭內閣曰莊親王綿課等奏會議裕豐罪名一摺
裕豐上年九月初十日聞知祝海慶等首告逆謀
若立時奏報迅將匪黨查拏則十五日禁城之變
可以先事消弭其功甚大乃伊漠不關心遲延不
舉實屬無福承受國恩只知因循疲玩反罹重咎
迨十六日接受呈詞維時鉅案已成然逆犯尙多

未獲裕豐據實奏明仍可令祝海慶等作線將祝
現各逆犯按名捕誅何致逋逃日久而伊泄泄如
前轉云不必張揚實不知其是何肺腑至前日事
已訪出端倪朕特派綿課英和前往該王府查詢
伊仍不知愧懼拘泥進班日期不卽來園請罪種
種昏憤糊塗罔知大義皆出情理之外綿課等議
請將裕豐問擬杖流折園實屬罪所應得惟念伊

祖豫通親王多鐸從前在開國諸王中勲績最著
仰蒙

皇考高宗純皇帝復爵紹封追配

太廟國家議功議親載在令典朕推念舊勲宥及後裔

裕豐賦性懵愚不能復列屏藩業已革去王爵加
恩免其圈禁卽令在王府外閑房居住不准出門
閑遊令其閉門思過上年議罰王俸十年除扣過

本年春季俸銀外其餘未扣者責令于兩年內全數繳出交納部庫其應襲王爵著宗人府照例查

辦